

Zmajevi odradili prvi trening u Stockholmu

27/05/2010 23:46 by Administrator

Reprezentacija Bosne i Hercegovine većeras je u Stockholmu na stadionu Hamarbya odradila prvi trening u sklopu priprema za utakmicu koja se prekosutra igra protiv reprezentacije Å vedske. Prvi trening propustili su samo Miralem Pjanić i Sejad Salihović zbog kašnjenja na okupljanje pa će selektor Sućić na kompletan sastav računati tek sutra. Raspoloženje među reprezentativcima je ponovo na vrhunskom nivou s tim što treba istaći da je selektor naše reprezentacije, Safet Sućić utakmicu sa Å većanima shvatio dosta ozbiljno pa je prvi trening naših reprezentativaca bio zatvoren za javnost.

Očekuje nas utakmica protiv jake i renomirane reprezentacije, poznate u evropskim okvirima, bit će ovo prava prilika za nas kako bi ubilježili dobar rezultat pred nastavak kvalifikacije. Uz veliku podršku naših navijača koja će sigurno vladati na tribinama u Stockholmu, vjerujem da možemo do dobrog rezultata, kazao je selektor Sućić za Sportin.ba prije polaska u Å vedsku.

Prema informacijama koje nam stižu iz Stockholma, Sućić ipak neće računati na Mensura Mujdžića u naredne dvije prijateljske utakmice iz razloga jer defanzivac Freiburga još uvijek nije dobio potrebnu papirologiju da bi mogao igrati za reprezentaciju BiH.

Mujdžića našalost još uvijek nije dobio dozvolu od FIFA-e za igranje u reprezentaciji BiH, nadam se da bi se to moglo desiti do utakmice u Njemačkoj ali ako ništa, važno je da je tu sa nama kako bi se upoznao sa saigračima i osjetimo atmosferu koja vlada, kazao je Sućić.

S obzirom da će naša reprezentacija u prve četiri kvalifikacione utakmice biti oslabljena za neigranje Sejada Salihovića, kao alternativu na lijevom boku Sućić će u utakmici protiv Å vedske isprobati igrača grčkog AEK-a, Sanela Jahića kojem ta pozicija nije strana. Jahić je već jednom mjenjao Salihovića na toj poziciji i to u utakmici protiv Belgije na Bilinom Polju kada je naša reprezentacija slavila sa 2-1 a Jahić vrhunski odradio posao na najdeficitarnijoj poziciji u našem timu.

Treba pomenuti da je na okupljanje u Å vedsku sa lakšom povredom stigao golman Istanbul Buyuksehira Kenan Hasagić pa bi od prve minute na голу naše reprezentacije mogao poći golman engleskog Stoke Citya, Asmir Begović.

Izvor vijesti: sportin.ba